

菩提場所說一字頂輪王經卷第一 不四

唐特進試鴻臚卿三藏沙門大廣智不空奉 詔

序品第一

如是我聞一時薄伽梵住菩提樹下與大菩薩衆所謂金剛幢菩薩摩訶薩觀自在菩薩摩訶薩得大勢至菩薩摩訶薩金剛手祕密主菩薩摩訶薩寂靜慧菩薩摩訶薩金剛慧菩薩摩訶薩堅固慧菩薩摩訶薩虛空無垢菩薩摩訶薩無垢慧菩薩摩訶薩普賢菩薩摩訶薩無盡意菩薩摩訶薩虛空庫菩薩摩

訶薩超三界菩薩摩訶薩持無能勝菩薩摩訶薩持世間菩薩摩訶薩天冠菩薩摩訶薩文殊師利童真菩薩摩訶薩月光童真菩薩摩訶薩不思議慧菩薩摩訶薩虛空藏菩薩摩訶薩除一切蓋障菩薩摩訶薩大精進菩薩摩訶薩慈氏菩薩摩訶薩寶髻菩薩摩訶薩寶手菩薩摩訶薩妙臂菩薩摩訶薩如是等菩薩摩訶薩而爲上首復與大苾芻衆所謂具壽舍利子具壽迦葉波具壽那提迦葉波具壽大迦葉波具壽伽那迦葉波具壽目

捷連具壽大目捷連具壽滿慈子具壽難陀  
具壽烏波難陀具壽賢善具壽阿泥樓駁具  
壽迦旃延子具壽俱郗羅具壽騎梵波提具  
壽大驕梵波提具壽孫陀羅具壽大孫陀羅  
具壽須菩提具壽耆宿驕陳如具壽制底象  
具壽羅睺羅如是等大阿羅漢而爲上首復  
與無量諸天及諸天子所謂帝釋梵王大梵  
王夜摩天水天俱尾羅天善界天子他化自  
子而爲上首復有無量阿蘇羅無量藥路茶

無量緊那羅無量羅刹婆無量比舍遮無量  
母天衆無量部多衆那羅延天伊舍那天與  
無量部多衆圍遶難提自在爲上首大自在  
天爲上首與無量瘞鬼衆圍遶擎枳你毗鉢  
天亦與無量瘞鬼衆圍遶於彼衆會天及天  
子阿蘇羅阿蘇羅子如是一切天龍藥叉乾  
不四闍婆阿蘇羅緊那羅摩睺羅伽羅刹衆等復  
有持明成就者所謂輪成就者劍成就者金  
剛杵成就者蓮華成就者鐵斧成就者如來  
部明成就者蓮華部明成就者金剛部明成

就者盧陀羅天成就者毗鉢天成就者母天  
衆成就者摩睺羅伽成就者藥路茶成就者  
龍成就者擎枳你成就者藥叉成就者摩尼  
跋捺羅成就者俱尾羅成就者水天成就者  
梵王成就者如是無量持明成就者爲上首  
各與百千眷屬俱復有日月天子爲上首與  
無量百千宿曜圍繞以爲眷屬俱復有無量  
如來族蓮華族金剛族無量明王使者女使  
者衆金剛毗那夜迦盡無餘世間出世間衆  
一切山河池園苑術道四衢林神樹神江神

城郭神村神屍林神烏娑路羅迦神惡夢神  
地底神宮殿神如是等上首乃至於此三千  
大千世界中天龍藥叉羅刹婆乾闥婆阿蘇  
羅藥路茶緊那羅摩呼羅伽及諸母天瘞大  
瘞毗那夜迦餓鬼大餓鬼必舍遮藥叉羅刹  
不四婆等大威德者各與大威德眷屬俱皆於善  
提場而住於五百由旬內大集會衆以佛威  
神加持互不相逼惱於是世尊住於如來莊  
嚴吉祥摩尼寶藏大寶樓閣告慈氏等上首  
菩薩言善男子此菩提場莊嚴樹我所坐處

我於此坐已摧四魔證成無上佛智汝等咸應坐於是處一切智佛智皆得出世尊說是語已默然而住爾時金剛手祕密主菩薩以佛威神及本願力從座而起偏袒右肩右膝著地合掌向佛世尊作禮白佛言世尊我問世尊如來應正等覺修佛頂真言異方便一切如來所說真言明教加行修習曼茶羅印契安布易成就事業一字轉輪王佛頂入於大三摩地印曼荼羅成就處軌則念誦印安布最勝事業祕密畫像法止魔息災增益

調伏法如是一切如來部真實一切世間出世間明真言最勝不被他陵突無盡衆生界菩薩真言行成就由此一切有情獲得安樂由此佛頂輪王於瞻部洲衆生修一切如來真言者作大佛事故由此世界瞻部洲衆生獲一切安樂能堪任成就故一切天一切天族一切藥叉一切藥叉族一切緊那羅一切摩呼羅伽一切龍一切龍族一切天龍藥叉乾闥婆阿蘇羅藥路荼緊那羅摩呼羅伽人一切世間出世間印真言作利益故成就故

不令欺陵今安尊位故一切有情修佛頂真言者除一切苦惱令我真言族成就故觀自在等大菩薩真言行光顯故一切如來說印曼茶羅法要成就故無量如來所說真言印曼茶羅難成就者令易成故理趣法句法要不<sup>四</sup>惟願如來應正等覺說啓白是已爾時世尊告金剛手祕密主言善哉善哉祕密主汝爲一切衆生利益安樂輪王佛頂成就真言行精進勤住持者一切如來所說真言汝能問如來如是事是故金剛手我爲汝說先佛已

說未來當說爾時釋迦牟尼如來以佛眼觀一切世界觀已爲未來有情本願福力加持觀已告一切菩薩大衆言善男子汝等憶念一切如來所說輪王一字入一切法三摩地作不思議奇特神變於一切世界作大佛事一切三摩地中<sup>五</sup>最勝句咸皆作意時一切菩薩咸皆憶念一切佛頂輪王大真言王及三摩地句唯除祕密主觀自在大菩薩由如來加持故時世尊坐大菩提樹下於大福生地如來入佛遊戲三摩地時一切如來悉皆同

入是三摩地世尊彼時憶念攝受一切衆生  
界無量恒河沙數俱胝劫積集施戒忍進等  
波羅蜜無量難行苦行從大丈夫相出光明  
所謂從頂從白毫相從眉從眼從鼻從耳從  
脣從頭從袈裟從膊從手從臍輪從二乳從  
二乳間從項從二腔從二膝從二脰從二踝  
如是從坐處從二足如來法輪印處如是真  
多摩尼寶處如來鑠訖底三昧處錫杖印處  
從如是一切如來心印處從無能勝忿怒轉  
輪王入三摩地無能勝印處如是一切如來

不四  
五  
大慈處大悲處一切如來三摩地處如是從  
無畏處從記荆處如是一切如來明真言處  
放光於一光明無量光明以為眷屬從佛  
頂出無量百千光明種種色類青黃赤白紫  
色照無量佛刹照此三千大千世界一切地  
獄傍生悉除息塵翳息一切苦建立一切真  
言行於諸菩薩作一切義利成就大福莊嚴  
一切安樂易成就於剎那頃作一切義利成  
就已於恒河沙數佛世界魔宮殿咸令萎頓  
映蔽一切魔光乃至有頂下至無間大地獄

邊際一切處照曜光耀驚覺一切有情復來  
旋遶世尊三帀已各各沒入本處  
示現真言大威德品第二

爾時釋迦牟尼如來從彼三摩地起以佛眼  
觀一切佛刹彼一切天集會如師子奮迅而  
顧視告金剛手秘密主言金剛手汝今諦聽  
一字佛頂大明王及四大佛頂及毫相等作  
大利益成就者明妃如來手如來鉢如來脣  
如來口法輪等大明王所有一切衆生界於  
一切有情勤修佛頂真言行菩薩等及一切

有情菩薩乘受持者苾芻苾芻尼塙波塞迦  
塙波斯迦不被一切天世間沮壞獲得不退  
轉一切皆獲安樂一切處一切苦惱悉皆除  
滅一切皆悉起大慈行同一味相不被火燒  
不被水溺不被刀傷不被毒中不被蛇齧不  
被一切難一切如來所說大真言明王受持  
不四  
菩薩及餘淨信大乘菩薩乘有情從此一切  
如來三摩地出生大真言受持者及餘大明  
王受持者應以牛黃於樺皮上寫此陀羅尼  
安髻頭中若是苾芻苾芻尼寫此陀羅尼繫

在袈裟中若塗波塞迦塗波斯迦繫在手臂或在頸下若國王帶不被他敵之所侵擾晝夜卧安覺安大威德賢聖諸天而常擁護如是及餘有情若能持此者勤修真言行者一切處獲得無礙一切人見悉皆歡喜遠離一

切苦得一切安樂一切人天供養恭敬一切天龍乾闥婆阿蘇羅孽路荼緊那羅摩呼羅伽餓鬼必舍遮一切難調障毗那夜迦不敢逼近離惡趣怖祕密主此大明王及明妃真言句一切有情勤修菩薩行者及修佛頂真

言者以此作息災吉祥事惡星凌逼皆得息滅作一切衆生義利鉤召一切天龍藥叉祕密主我略說爲修佛頂真言者速疾得悉地令作一切事業世尊說是已告金剛手此一切如來所說大真言王大佛頂白傘蓋佛頂高佛頂勝佛頂光聚佛頂如是大佛頂真言王入一切如來三摩地勤勇力等敵皆殊勝三摩地成就一字頂輪王佛眼毫相大慈大悲佛牙并無能勝如來手如來鉢如來袈裟如來法輪并明妃等說從大悲奮迅大人相

師子吼流出一切菩薩不能摧壞一切佛加持共隨喜大慧照曜幽暗者令作光明以甚深智作無塵垢令作吉祥吉祥一切世間中最勝尊貴作最勝無塵無垢四無所畏令作端嚴慧令作廣大無量殊勝智令作堅固勇猛金剛鉤鎖身令作十力令作大威德令拂除愚暗令作一切佛智令作大護一切菩薩功德藏能令一切智智能令寂靜句令作無礙勇猛威德令作最勝慧難調衆生種性令生慈心能作一切如來熾盛三摩地大真言

明王一字佛頂輪王而說真言曰

曩莫三滿多沒駄喃引一唵引二嚩引三

合

釋迦牟尼佛世尊纔說是真言譬如瞻部洲大風吹一切樹林叢林藥草葉及華果悉皆振動如是纔說是輪王一字真言三千大千世界六種震動須彌盧山亦皆大動大海騰沸及恒河沙數世界悉皆震動山谷及海猶如草葉一切山林河海皆悉震動一切魔宮如一熾盛火聚以佛威神加持力故悉皆恐怖魔衆諸天皆自不安歸依於佛世尊於一

切世界中那洛迦趣有情悉皆獲得安樂爾時世尊作如是神力加持爲令顯現輪王佛頂故自身作轉輪王形功德相莊嚴七寶成就一切光明熾盛晃曜照曜以無量法莊嚴間錯嚴飾大輪王師子座而坐熾盛照曜一切圓光如輪周帀形成一聚光無有一有情有情衆當彼之際而敢不瞬目瞻睹彼所有慈氏等大菩薩彼皆刹那頃亦不能不瞬目而瞻視爾時觀自在菩薩金剛手秘密主菩薩以佛威力悶絕躋地刹那謨呼律間則彼

大威德摩醯首羅天帝釋天毗鉢舍天夜摩天水天俱尾羅天風天藥路荼緊那羅摩呼羅伽等一切器仗悉皆墮落摩醯首羅三戟又墮落帝釋金剛杵墮落毗鉢舍天輪俱尾羅杵水天羅索如是一切大威德天一切器仗墮落於地精氣威力神通皆奪由轉輪大真言明王加持故一切菩薩憶念菩提遊戲三摩地一切天龍藥叉乾闥婆阿蘇羅藥路荼緊那羅摩呼羅伽等皆歸依佛世尊悉皆戰掉如芭蕉葉身毛悚豎不能堪忍觀大輪王真

言色形爾時世尊隱大輪王色形刹那頃說  
此一切如來所說大明妃能息一切難調有  
情能成就一切佛頂輪王能息一切鬪諍言  
訟一切如來部真言母一切菩薩母觀自在  
菩薩金剛手祕密主爲今起故說此佛眼一  
切佛所說能成就一切義利速疾成就輪王  
佛頂故說真言曰

曩莫薩嚩怛他蘖底瓢一羅曷二合毗藥二合  
三藐三沒第毗藥二合唵四嚩嚩塞普二合嚩  
入嚩合擺六底瑟咤二合悉馱嚩左你八

薩嚩囉他二合婆但你九娑嚩二合引十詞

說是佛眼陀羅尼已觀自在菩薩金剛手祕  
密主等悉皆而起乃至所有一切天等衆會  
各各復得本神通各還執本器仗皆歸依佛  
世尊心大歡喜瞻視觀察如來各作是讚言  
嗚呼奇哉觀自在菩薩金剛手祕密主白釋  
迦牟尼應正等覺言世尊是何奇特世尊曾  
所未見如來持此頂輪王形光明聚是何希  
奇佛言善男子持頂輪王色形三摩地一切  
諸佛世尊佛遊戲神通善男子如於大曼茶

羅集會汝等作真言身變化住不思議顯示大威德如是如是如來轉輪王真言色形身住而顯示善男子此佛頂轉輪王一切如來真言身住最勝三摩地一切諸大菩薩及一切真言明王明妃一切諸天無能違越善男早有此真言轉輪王佛頂若有人誦持處五輪王三摩地無能欺陵除佛眼真言三昧耶由旬內一切明世間出世間不流通不成就娑婆等所說清淨真言所加持真言不成就亦不往亦不現威德若纔憶念此真言一切世間出世間真言悉皆成就汝等所說加持真

言身一切不可成就不現應驗者以此真言應成就之五由旬內地方天龍藥叉乾闥婆阿蘇羅孽路荼迦婁羅緊那羅摩呼羅伽菩薩住真言身者於處不堪忍住不遊行不能就不與現驗不與悉地何以故由住此佛頂輪王三摩地無能欺陵除佛眼真言三昧耶用此真言七徧誦之則其身寂靜若不然者其威德無能堪忍其修真言者必須初後誦此佛眼真言十地菩薩尚不能堪忍此輪王威德何況餘天王小類有情爾時世尊顯佛

頂威德故欲現佛傘蓋威德故一切佛傘蓋  
加持故是時住白傘蓋佛頂王身如傘蓋形  
若此三千大千世界無一有情而作質礙白  
傘蓋形悉皆覆於佛頂其傘蓋頂當於如來  
頂中觀自在菩薩金剛手祕密主菩薩問佛  
世尊世尊此是何傘蓋色形蓋覆三千大千  
世界而住住於世尊頂上不見其邊際不可  
得以觀察瞻觀不可往其邊際佛言仁者此  
名白傘蓋佛頂王無量如來所共宣說一切  
如來無量色寶普偏音聲一切真多摩尼寶

間錯寶珠網普偏現前不思議莊嚴而作影  
現是諸佛世尊傘蓋一切如來之傘蓋成佛  
頂王傘蓋作一切有情速疾成就是一切諸  
佛傘蓋名爲白傘蓋大威德菩薩不得邊際  
於千俱胝劫度量亦不得其邊際亦不能見  
邊際時世尊釋迦牟尼觀佛頂王以自神通  
威力加持住真言身形而說真言曰  
曩莫三滿多沒默南  
一唵引  
二怛他蘖  
三覩瑟  
四  
五  
六  
七

引沙  
合  
阿娜  
嚕路  
吉多  
母嚕默  
唵  
切七

當彼之時此三千大千世界皆動搖震爾時世尊告諸菩薩言諸菩薩此白傘蓋佛頂真言能成就一切真言能鈞召是大明王不空無礙勇猛爾時世尊顯揚佛頂王威德故作一切有情利益故能息除一切災禍逼迫能

斷壞世間出世間真言以此真言句作加持無量菩薩稱讚無量俱胝佛說此佛頂王光聚令現大威德故是輪王佛頂之威光金剛句而說真言曰

曩莫三滿多沒歎南一唵二怛他蘖覩瑟拏

引二合沙三阿那嚩路枳帝四母嚦馱五合帝  
儒囉始六吽七入嚩二合擺入嚩二合擺八馱迦  
馱迦九娜嚩娜嚩十尾娜嚩尾娜嚩十瞋那  
瞋那十頻娜頻那十三吽吽泮吒泮吒四十娑嚩  
引二合訶引十

說此真言已三千大千世界如寶焰燈形無量間錯照曜爲蓮華色帝青寶藥爲焰晃曜而現一切虛空際一切寶聚爲寶帳間錯鈴鐸一切莊嚴光聚變化力爲門界道種種令普偏佛威德示現偏覆虛空界加持而住今

一切菩薩作歡喜一切獲得安樂從佛頂出  
光明一切世間出世間真言明咸皆斷壞令  
破奪其加持令不成就何以故大威光藏故  
爾時世尊告金剛手祕密主言祕密主此一  
切如來光明照曜光聚佛頂由此光明照曜  
不四  
三千大千世界下至無間地獄邊際乃至有  
頂照曜一切魔宮悉皆萎悴於虛空際作照  
曜金剛手此佛頂王能斷一切真言纔誦此  
真言修行者隨意世間出世間真言令斷令  
破令壞唯除輪王佛頂白傘蓋主佛頂高佛

頂勝佛頂佛眼五字如來心除此餘一切世  
間出世間真言明斷壞令打令伏令縛攝修  
行者若纔稱名纔誦隨意難調鬼魅令壞令  
打令馳走令挫辱金剛手此光聚佛頂不應  
非處誦持應於有舍利處誦持賢聖諸尊所  
攝受處何以故此威德光聚佛頂等同輪王  
威德故若不爾者即被傷損即聖衆不降臨  
諸魔得先便當知於清淨處及有舍利處聖  
人得道處以三昧耶加持復以輪王三昧耶  
佛眼加持若異此者即被傷損雖久修行亦

不成就此光聚大真言王於修餘真言者不得輒誦何以故彼真言王威德損故當知於閑靜密處或於河側或於池邊或於海岸或於山間或於窟或於聖人作制底處其修行者獲大威德具力具大精進具念具慧等同

不四  
餘部得悉地者威光威德猶如輪王真言成就祕密主此明王能生不可思議威德秘密主此是如來威如來光如來加持一切諸佛之光明威德光明體光明性與一切有情威德能生成光性金剛手能斷一切真言能調難

調者能壞他真言威此是大威德大神通能成辦一切事爾時世尊復觀無盡法界知已衆生利益故能令如來力三摩地等流一切菩薩無邊力勇猛故說一切佛所加持修一切真言與安樂故真言曰

曩莫三滿多設默南一唵引二入嚩合二嚩入嚩沙四度那度那吽五

爾時一切世界悉皆震動一切天龍藥叉乾闥婆阿蘇羅藥叉茶緊那羅摩呼羅伽迷悶

癡亂皆失神通難調者被燒毗那夜迦出呵  
呵聲爾時世尊告祕密主言祕密主此名高  
佛頂王一切如來三摩地力勇猛大精進大  
力若有善男子善女人修習輪王佛頂者及  
餘淨信者所往處聞戰論理諍訟一切處若  
誦所去處悉皆得勝或餘有大國王淨信佛  
法者用牛黃於憊皮上或素上書此真言繫  
旗纛上或於頸下則往他敵若見則便破敗  
他軍消融互不相救何以故以如來神力加  
持故或餘塢波塞迦塢波斯迦於頭上帶持

彼人吉祥吉祥清淨威德吉慶威光威力不  
被他陵突獲得吉祥辯才祕密主我略說菩  
薩持此者獲得無量力勇健獲如來加持一  
切魔無能沮壞一切諸天不敢逼近修此大  
真言者無有與等威力皆得成就若成就等  
同轉輪王真言何以故一切如來神力所加  
不曰  
持三摩地力故是爲高頂王爾時世尊釋迦  
牟尼如來現神通威德故一切罪息滅故一  
切惡趣摧壞故一切那洛迦苦息除故現不  
思議行神通故現一切如來神通威德積集

故此佛頂真言王一切佛之所宣說真言曰  
曩莫三滿多沒駛南引一唵二入轉三惹  
庾引瑟尼二沙四入轉合擺五滿  
馱娜麼滿駛娜麼六弩嚕合七麼弩嚕合八麼弩  
嚕合二麼七郝賀吽引八

纔說是真言此世界及一切佛刹六種震動  
無有一有情受飢渴苦以一切佛威德力現  
大威德故一切地獄中一切飢渴悉皆止息  
一切有情悉令獲得飲食恒河沙數等如來  
同共宣說爲大怖畏有情作利益故示現大

神通金剛手有此佛頂王所流布處一切魔  
不得其便何況修行者若有善男子善女人  
若能常憶念此真言王復能持誦彼獲得不  
思議神通成就具大精進神通圓滿一切諸  
天禮敬彼人不久獲不可思議功德若有成就  
不四五

真言王者或有大乘淨信者或修習輪王佛  
頂者彼獲得不思議神通相應於一切有情  
中爲最勝不應疑惑獲佛神通所求欲願獲  
得無疑一切神通平等真實無畏一切時等

同諸佛金剛手若修勝佛頂真言者不久神

通自在成就於剎那頃諸難調有情見者悉皆馳走所有魔衆諸天見彼皆失神通而悉馳走若有修習此真言成就者與轉輪王真言成就等無有異於地獄中亦作神通爲處地獄有情作利益故如是一切有情息除飢苦我略說少分佛頂王三摩地神通熾盛無量無邊一劫不能說其福利功德我少分說

世尊所說爾時世尊告一切菩薩衆善男子佛頂王等住一切如來三摩地真言身者千俱胝劫不能盡說其功德矜愍一切有情故

而說少分是佛頂王族稱揚不思議功德千俱胝劫若如來說無能盡其邊際如來親自佛頂真言王輪王大威德若千佛於俱胝劫讚歎亦不能盡其邊際若有善男子善女人若以飲食衣服湯藥種種資具供養百佛若有人誦此輪王受持福聚無能與等即說陀曰

若復智修行 最勝真言王 則成爲菩提獲地位不疑 爲不生不滅 持此佛頂者無有等威德 不思議色力 三世無與等

衆生界異生 成就佛頂人 無有等同者  
若帝釋自身 或餘威德天 一切世界中  
欲界大力者 見修頂輪人 若不起承迎  
頭破作七分 猶如蘭香梢 自在及帝釋  
水天俱尾羅 不四 藥叉大威德 奪彼光萎悴  
千光而熾盛 照曜於諸天

若有大丈夫成就大真言王若讀若誦若受持乃至書寫經卷或書於樺皮或帶持或供養或塗壇或香泥塗地散華燒香抹香以經卷置於壇中而作供養此法要受持讀誦爲

他演說觀其衆生根性勝劣而爲宣說勤修菩薩行者殷勤而敷演畢獲得如來熾盛三摩地淨信究竟大乘堅固者應授與之如來言教可爲敷演而爲說之不應惺恪常得宿命智不墮於惡趣超千劫生死流轉證無上正等覺一切天龍常當擁護言音威肅令人樂聞一切有情愛樂憐愍安樂捨壽不爲諸魔之所侵擾若有善男子善女人大有情堅固入大乘田滿願故修如來族真言是人具福大威德賢聖所攝受不歸依餘類唯歸趣

佛菩薩超越一切魔道意趣諸根不缺者身色光潤黃白生於勝族清淨處生於吉宿大勤勇身相圓滿不太肥不太瘦亦不乾悴爪如赤銅踝骨平滿身形長大肌膚潔白不大團樂齒不疎黑眼目不瞑亦不黃綠不疥癩不貪染不被毗那夜迦所持身相應頭圓平滿筋脈平正我今略說其相生於大族大福大威德有情說此法要是善男子善女人若得此佛頂真言必當成就爲彼有情而敷演之而當敬禮慎勿不與必當與之若得此佛

不四  
頂真言必當成就若人得此堅固有情輪三佛頂必當成就此甚深法要餘世界中甚難得聞此由如來加持於餘多世界中得聞若有人一經於耳根應知皆是轉輪王三摩地之所加持應如是知若有人得此如來族法要修行者得至於手中皆是如來加持何以故皆是如來不思議真言三摩地頂輪真言身之所建立此一切真言中最大真言句頂王三摩地不思議法要應當知是故彼有情必當求如來真言成就若此法要書寫經卷

成誦所在之處無量人天世間皆作供養獲  
得此三摩地熾盛法句被人無增上瞋恚

菩提場所說一字頂輪王經卷第一

音釋

蘖魚列切瘡魚約切鈕女九博伯各切腔  
也股胡定切踝戶瓦切腿兩脣禮部  
脛脚腥也踝旁曰内外踝萎賴萎苞  
秦醉萎安古韻倪結切鑔達名切  
蠶枯也筋骨舉伏切童子不正切目  
蠶徒沃切軍子不正切也